

ՆԱԽՆԻՆԵՐԻ ԿԱՆՁԸ

ԱԴՈՆԻՍ

(ըստ Նիկողայ Կունի)

Ափրողիտեն սիրում էր Կիպրոսի արքայի որդուն՝ **Ադոնիսին**: **Մահկանացու**ներից ոչ ոք չէր կարող նրան հավասարվել գեղեցկությամբ. նա մինչև իսկ օլիմպացի աստվածներից էլ գեղեցիկ էր: Ափրողիտեն ամբողջ ժամանակ Ադոնիսի հետ էր: Ափրողիտեն **Կիպրոսի** լեռներում ու անտառներում Ադոնիսի հետ որս էր անում: Նա մոռացել էր և՛ ոսկեղեն զարդարանքներ կրելու, և՛ իր գեղեցկությամբ զբաղվելու մասին:

Այրող արևի տակ թե ամպամած եղանակին նա նապաստակներ, երկչոտ եղջերուներ ու այծյամներ էր որսում՝ խուսափելով ահեղ առյուծների ու վարազների որսից: Ափրողիտեն Ադոնիսին էլ էր խնդրում խուսափել առյուծի, արջի ու վարազի որսից, որպեսզի հանկարծ դժբախտություն չպատահի: Աստվածուհին հազվադեպ էր մենակ թողնում արքայազնին, իսկ մենակ թողնելիս էլ ամեն անգամ աղաչում էր նրան, որ չմոռանա իր խնդրանքը:

Մի անգամ՝ Ափրողիտեի բացակայության ընթացքում, Ադոնիսի շները որսի ժամանակ ընկան մի վիթխարի վարազի հետքերի վրա: Նրանք քջեցին գազանին ու գազազած հաչոցներով հալածեցին նրան: Ադոնիսն ուրախացավ, որ այդքան հարուստ որս պիտի ունենա. չէր զգում, որ դա իր վերջին որսն է: Շների հաչոցը գնալով մոտենում էր. ահա թփերի արանքում երևաց ահագին վարազը: Երբ Ադոնիսն ուզում էր իր նիզակով խոցել կատաղած վարազին, հանկարծ վարազը նետվեց նրա վրա և իր սուրսայր ժանիքներով մի ակնթարթում մահացու վիրավորեց Ափրողիտեի սիրեցյալին: Ադոնիսը մեռավ ստացած վերքից:

Երբ Ափրողիտեն առավ Ադոնիսի մահվան լուրը, լցվեց անասելի վշտով: Ինքը եկավ Կիպրոսի լեռները՝ գտնելու սիրած պատանու դին: Լեռնային կտրուկ **գառիվայրերով**, մթամած կիրճերի

միջով, խորունկ անդունդների եզրերով գնում էր Ափրոդիտեն: Սրածայր քարերն ու տատասկների փշերն արյունոտում էին աստվածուհու նուրբ ոտքերը: Արյան կաթիլները ցողվում էին գետնին՝ հետք թողնելով նրա անցած բոլոր վայրերում:

Ի վերջո Ափրոդիտեն գտավ սիրեցյալի դին: Դառնագին լացեց նա վաղամեռիկ գեղեցիկ պատանու համար: Որպեսզի մշտապես պահպանվի Ադոնիսի հիշատակը, աստվածուհին կամեցավ, որ նրա արյունից քնքուշ հողմածաղիկներ բուսնեն: Իսկ այն վայրերում, ուր արյուն էր կաթել Ափրոդիտեի վիրավորված ոտքերից, փարթամ վարդեր բուսնեցին՝ **շառագույն**, ինչպես աստվածուհու արյունը:

Գթաց ամպրոպային Ջևաը սիրո աստվածուհուն: Հրաման արձակեց իր եղբայր **Հադեսին** ու նրա կնոջը՝ Պերսեփոնեին, որ ամեն տարի Ադոնիսին բաց թողնեն երկիր մեռյալների ստվերների թախծալի թագավորությունից: Այդ ժամանակից ի վեր Ադոնիսը կես տարի մնում է Հադեսի թագավորության մեջ, կես տարի ապրում երկրի երեսին՝ Ափրոդիտե աստվածուհու հետ: Ցնծում է բովանդակ բնությունը, երբ դեպի երկիր է վերադառնում ոսկեշող Ափրոդիտեի սիրեցյալը՝ պատանի Ադոնիսը:



Բառային աշխատանք

1. Բառակազմական վերլուծության ենթարկիր հետևյալ բառերը և հիմնավորիր:
Արքայազն, գառիվայր, շառագույն, դառնագին, վաղամեռիկ, ինչպես, աստվածուհի:
2. Տեքստից դժուր գրի բառեր և արտահայտություններ, որոնք հեղինակը կիրառում է գործող անձանց, փաստերն ու իրադարձությունները նկարագրելու համար:
3. Բառարանում գտիր տեքստի նորածանոթ բառերի բացատրությունը և դրանցով կազմիր նախադասություններ:



Տեքստային աշխատանք

1. Կարդա՛ւ և համառոտ վերապատմի՛ր տեքստի բովանդակությունը:
2. Մեկնաբանի՛ր հերոսների արարքների դրդապատճառները՝ հիմնավորելով տեքստից ընտրված հատվածներով:
3. Կազմի՛ր հարցեր կամ պլան կարդացածի շուրջ:
4. Պատմի՛ր ստեղծագործության մեջ պատկերված պատմությունը հերոսներից մեկի անունից:
5. Դրսևորի՛ր վերաբերմունքդ քո սիրած հերոսի նկատմամբ կամ գնահատի՛ր:
6. Գրավոր վերաշարադրի՛ր դեպքերի հաջորդական ընթացքը՝ բացատրելով հերոսի (հերոսների) արարքների պատճառահետևանքային կապերը:
7. Գրավոր նկարագրի՛ր շրջապատող միջավայրը, բնությունը, հերոսների արտաքինը և բնավորության որոշ կողմեր՝ կիրառելով մակդիր, փոխաբերություն, համեմատություն:
8. Նյութի համար լսի՛ր համապատասխան երաժշտություն՝ հաղորդվելիք տեքստը առավել գրավիչ դարձնելու համար (տե՛ս դասագրքի QR ծածկագիրը, էջ 32):

Գ-Կ-Ք

1. Մի շարք դեպքերում բառամիջում և բառավերջում գրվում է **գ**, սակայն թույլ արտասանվում է **ք**.

ա) **ր**-ից հետո, օրինակ՝ **երգ**, **թարգմանել** (**թարգմանիչ**, **թարգմանություն**), **կարգ** (**կարգադրել**, **օրակարգ**), **մարգարե**, **մարգարիտ**, **պարգև** (**պարգևատրել**),

բ) ձայնավորից հետո, օրինակ՝ **ավագ** (**ավագանի**, **ավագություն**), **ճրագ**, **մարագ**, **ուրագ**, **պատարագ**, **կարագ**, **օգնել**, **օգուտ**, **Օգսեն**, **գոգ** (**գոգնոց**), **շոգ**, **նորոգել** (**նորոգում**), **ոգի**, **ոռոգել**, **սուգ**, **տեգր**, **էգ** (**իգական**),

գ) **ն**-ից հետո՝ **անգամ**:

2. **Ք** հնչյունը գրվում է **գ** տառով նաև **Գևորգ** (**Գևորգյան**), **Մարգար** (**Մարգարյան**), **Սարգիս** (**Սարգսյան**), **Գրիգոր** (**Գրիգորյան**), **Օգսեն** հատուկ անուններում:

3. Մյուս բոլոր դեպքերում բաղաձայնների գրությունն ու արտասանությունը համընկնում են, օրինակ՝ գարուն, ագահ, վագր, անհագ, ձագար, թագ, կոտորակ, կատու, սայթաքել, հերքել, արքա, թաքնվել, քուրք, հավաքել, ոչ ոք և այլն:



Առաջադրանքներ

1. Լրացրո՛ւ **գ**, **կ** կամ **ք** տառերը:

Ավա_ ընկերս՝ Օ_սենը, ինձ հրավիրեց՝ արևածա_ը դիտելու: Առավոտ ծե_ին դուրս եկանք գյուղից: Զի_գա_ ձանապարհով մե_ենան մեզ տանում էր դեպի Արա_ած լեռը: Երեք հո_ի էինք՝ ես, Օ_սենը և մեր ավա_ ընկեր Սար_իսը: Հեռվում, լեռան կատարից ձի_ գործելով, իր գլուխը հանեց արփին և ար_այավայել բարևեց աշխարհին: Առավոտյան եղանակը ցուրտ էր, և մենք հա_անք մեր տա_ հա_ուստները: Քիչ հետո նախաձաշեցինք. մեզ հետ վերցրել էինք կարա_ և թել պանիր: Ճի_ ու ջանքով ելան_ լեռան կատարը՝ ձամփին կատա_ներ անելով: Վերել_ը օ_տավետ էր, չնայած վերջում լավ հո_նել էինք: Ուշադիր զննում էինք դաշտի մու_ ծաղիկներն ու զնայվում Քարե լճի ալի_նե-

րով: Մեր հայրենի եզեր_ն ասես թա_ադիր գեղեցկուհի լիներ:
Հետո պիտի գյուղ իջնեինք, որ մասնակցեինք Թար_մանիչ եկե-
ղեցու պատարա_ին:

2. Գրի՛ր հետևյալ բառերի հոմանիշները: Այդ բառերում գրվում է *գ* կամ *ք*:

Վեհ-, ջանք-, տոթ-, աջակցել-, մատախուղ-, լուսաբաց-, թա-
գավոր-, ձյունամրրիկ-:

3. Արմատների միացումով կազմի՛ր նոր բառեր:

*Խումբ + երգ, ձիգ + ժամ, արքա + նիստ, վագր + ձի, զոր(ք) +
հանդես, երգ + հանդես, վեր(ք) + կաս, հան(ք) + փոք, սուգ + կիր,
հոգ(ս) + փար, շոգ(ի) + նավ, գույգ + երգ, շագանակ + գույն, բուք
+ խեղդ, մաքուր + գիր, վար(ք) + գիր:*

4. Մրգահանդես, երգահանդես, զորահանդես բառերով նախա-
դասություններ կազմի՛ր:

5. Գրի՛ր չորսական անուն և ազգանուն, որոնք վերաբերում են *գ-կ-ք* բաղաձայնների ուղղագրությանը:

6. Հայաստանի գետերի անունները դասավորի՛ր այբբենական
կարգով:

*Արարս, Եղեգիս, Գեղառ, Արգիձի, Գավառագետ, Բշխանագետ,
Չկնագետ, Չորագետ:*

7. Հաղորդում պատրաստի՛ր «Հայաստանում սիգը ամենատարած-
ված ձկնատեսակն է» խորագրով (խմբային աշխատանք):